

太乙舟詩集

太乙舟詩集卷五

新城陳石士甫著

三男蘭第校刊
從姪孫夔

留別朱學博 存仁

楊花撲地春雲飛，鳴鳩乳燕嬌春暉。
芳菲坐惜物候晚，况更酌酒歌將離。
天涯綠遍王孫路，及此春歸我北去。
別春兼復別故人，目斷魂搖不知處。
故人能書復能詩，才雖絕雋官苦卑。
三載聞名劇傾倒，一日見面同心期。
憶昨南衙開夜宴，雪滿瓊林看不見。
銀蠟堆花裊玉蟲，銅壺滴漏沉虬箭。
酒態吟懷奈汝何，當杯快意從高歌。
不嫌此日論心晚，預恐他時別恨多。
平生殘錦夢中拾，欲贈君詩意轉澀。

瑤草何意忽先施恍訝明珠百琲集題詩悵望一沾巾小
別何須更黯神明年記取東風約遲汝同遊上苑春

買舟將東歸留別徐蓮峯江子繩二生各以長句一

首係之

臨江小閣章江邊天都主人南昌仙平生經濟試百一鬱
所未吐成雲烟雲烟巧結臨江閣一棹鴟夷漢江泊寓公
救災必食報經畬努力鳴陰鶴一卷冰雪文十卷冰雪詩

玉山主人亦數奇

謂徐朗齋

藏壑空掩惠泉秀產祥與結黃山

芝雨家舊德吉重襲玉樹喜君能自立述德曾徵修禊圖

襲於小兒侍郎處見
建庵先生修禊詩

溯源更舉亭林集我駐臨江閣畔舟

主人作客客難留書聲入夢一西望夏口從知在上游

惟古於辭必已出我師之言韓子言若翁與我同一師講

席受業分後先

子細尊人修原先生先余事
姬傳子於紫陽書院故及之

二十年前不

相識黃鶴樓頭同作客深愧拏舟爲我來此意已殊石間
栢我守師說無所成安能瓦釜爲雷鳴無已請君作私淑
更舉所聞相發明習中有得陳言去一經一緯宵願杼君
不見四十五日一月中隣里相從夜績女

留別吳生春帆

泰初

欲去不得去鴻爪偶然住藏園留越却齊心幻入吳生別
我處吳生負笈心殊專我亦喜君同登大願船龍眠山色

太乙舟詩集

卷五

北古

二

忽招我同舟忍判文字緣憶我負笈龍眠北半載光陰成
坐擲爭墩終讓謝東山譽我媿稱都講席從來求道固多
蹊夕陽誰信在吾西山谷老人詩記取所貴親行迺不迷

留別杜君

汝梅

我昔嘗爲許氏學性不喜書師昌黎偶求金石資考訂非
窮波磔分毫釐意過其通恒自哂結習所蔽無分馳遂令
腕力坐疲薊嚴家餓隸遭黥嗤邇來入世欲改轍刻苦空
復從臨池鈍根往往思中輟詎有解悟徒委蛇杜君善書
嚴我疾如乞神藥施刀圭學書雖未得大進結體稍稍無
偏陂乃知涉世貴特操筆正心正功甯歧又如冥覽得元

解補偏救弊從時宜刻舟膠柱有成見秋蚓春蛇無令姿
書雖一技通乎道就君所語吾能推政可時時就几案而
乃兀兀隨鞍轡別君遠去重惆悵雲山千里空相思要當
書紳誌君語衛有細讀前朝碑

贈別瓊陰十二丈

綠陰滿地桐花老千里塵飛洛陽衙乍可書史消永晝苦
無佳士豁懷抱昨者庭趨日剛午忽聞賓至屣欲倒平生
結交丈人行一笑自許傭中佼得君臭味無差池投分論
交恨不早我翁亟下孺子榻賤子似得連城寶連朝促膝
共深談雄詞快辨驚絕少吾輩埋頭向書冊入世頗遭俗

客賜仙無諧諷門機鋒詎免色莊謔爲矯腹詞偶博狎友
歡不恭或被有人惜豈知明月比靈臺雲不能遮星覺小
惟君與我有同病眼中世事不足了如何偶聚卽復散挽
袖留之頭屢掉來年聯襪倘踐約進隱願比鶉生矣

送別沈湘南之大梁

風輕未圻冰春寒不釀雪今年明月初團圓忍更酌酒送
君別看君讀書十行下看君艸箋十手脫君年方壯才清
絕若教簪筆侍明光擎毫豈要省吏喝不然鍵戶居深山
談經席許戴憑奪胡爲參幕作書記南北東西走蹴躡疎
狂不顧世眼驚時時遺誤被人說送君行聽我歌欲留不

能奈君何舉頭看浮雲浮雲變態多白衣蒼狗理則那
儕苦吟鐫肝腎筆如利刃天可摩人情扶摘世久忌能不
側目相譏訶况君旅遊不自惜黃金盡向虛牝擲子都奪
弧詛三物蘊富獵馬尾鬣赤禿襟小袖伴秦宮似君溺愛
真成癖世人大似狙公狙聞君如是爭抑掄及今自悔未
晚計當時苦諫笑我迂相聚短相契深如君應亦知我心
區區離別何足恨但須各守湖海襟他時結習都捐道綠
足長嘯聽汝蘇門音

送魯琴村返鳩江

疆圉大荒落如月魯生辭我歸江南春風習習扇原野淥

波靄靄生江潭宛邱風氣略近北衣冠了鳥民人慙曠野
彌望足塵埃絕少翠巘浮晴嵐遙想南州山水窟清景不
必窮幽探隔墻千嶂接雲影略約一徑通茅庵偶然涉足
恣登眺選勝所到甯須貪君今襁被正東去快洗兩耳聽
鄉談山程水驛遞遊覽如啖蔗味知漸甘到家正值春衣
換拈句恰喜詩情航巾箱庭訓慰肯搆蘭閨燕夢徵宜男
回頭旅困一擺脫君懷良得余增慚昨歲伏暑張火傘君
來初卸奚囊擔南衙賓客互酬答文讌日夕窮清酣有時
博塞逐兒戲狂叫不復辭嘲謔君初匆匆慎邊幅如錐處
囊鋒藏函厥後嘲諷亦頗有雕龍炙轂辭俱堪我性疎脫

鮮城府結交但貴真意合古今人物列九品其中差等
能請拒人敢效伯夷隘責善期得益友三君似亦頗知我
意贈言遠師周史聘如君清才豈易見天衢駿足趨驂驪
求飽菑盤非早計青衫久困心如憐蹉跎憐我亦同病
詩淚落疑逢戡雖然抑鬱甯足貴丈夫胷次江海涵正學
匡時我輩事要當小器殊愧觚江都相有繁露學儒林傳
笑孫宏參願君伐毛並洗髓心有天遊安以俟他時簪筆
侍禁直偉望如木稱梗枿春明結隣約必踐要同陽馬
非喜慘

乙酉五月望前一日予招丁介庭同年遊崇效寺兼

葭閣歸遇朱野雲遂同返太乙舟小飲野雲作桐
陰話舊圖余作長句紀之卽送介庭乞假歸里

鉢池山畔好雲樹卅年夢隔江鄉路松菊歸尋舊徑時觚
稜謁後抽簪去去日遲迴戀闕情潞河買棹緩歸程香火
緣深同選佛苔岑誼重更班荆盤山一卷青松約連烟三
面蒹葭閣曉色全教暑氣清桐陰恰許詩懷著桐陰徑闌
小圃初轉轡譚深陵茗餘頗羨少陵能返蜀敢謂昌黎已
有廬途中邂逅車笠友便與蕭齋共杯酒爲寫陳遵投轄
心朱繇本是荆關手春明鴻爪話前時忍聽山陽笛更吹
坐中主人年最少飄蕭髣髴亦霜絲仕宦何須登令僕外

臺況已聲名足住世從知隙過駒盟心肯使居無竹一幅
圖成未唱驪詩廊野雲寓中廊名後約重相期人言數面成親故
況本親知念別離

送朱虹舫同年督學江南

殿前作賦聲摩空頌君肯舉昌谷語以人報國功難踰強詞

部至送君今取詞部句人材要自隨時生儲之蒔籠名參

苓江南况復多老輩遺緒所究觀厥成江花江草連洲渚
遊遍山川明麗處按部終年入畫圖牙檣錦纜舟容與岑
苔離緒得深譚院落鐘山夢所諳山谷有詩忽根觸早年

學問多江南

山谷句

放歌行送蔡佇蘭

孝廉復午

歸吳門

玉松侍御爲我說吳士曰李曰蔡尤蜚聲向未覩面今握手惜無風力吹使登青冥子仙一語遂別去馬蹶在手車難停佇蘭先生數相見論文目欲空蓬瀛吾家從子

希祖

復傾倒爲言地理之學尤專精時無王伯厚與劉原父考

据家儒瑣碎空爲名卓哉二顧

南雅

出吳下蔡子宗派因

之知所承與吾晤語惜尙未及此今復搖鞭已欲辭春明人生百事難憑準所可據者博聞強識風格能自成科舉之文緒餘耳通才出語要自殊荒儉譬如土養禾出嘉穀詎有童梁非種生芳塋今之程材無定評康瓠周鼎紛交

并意中五雀六燕豈不矜持衡眼底九畹百畝乃竟芟芟
英江南蘭沼清夏氣月亭月榭隨處交芳馨軟紅塵中發
歸夢能不勞鹽祭軼先自趨山程君計得矣吾奈何談經
說史誰切磋新知婉孌足別緒舊交間闊相思多爲語狎
鷗與楊甫問近狀者徵斯歌

送嚴匡山

嚴訪湖北

一朵仙雲渡江水仙人乘鶴不乘鯉羽葆霓旌綺檻前白
波青嶂澄江裏迴首觚稜巽命申高情自昔攀蘭芷
秋風江上初懷人使君胷含太古春吟詩讀律想顏色夢
中落月依梁塵十年臺館追隨早昨朝聯襪看花好齋厨

太乙舟詩集

卷五

特與供伊蒲憐余淚墮池塘草池塘覓句悲思多霜痕點
鬢當奈何撥置岑寂發嘯咏感公索我花前歌青松紅杏
前遊路百年詩老留題處問誰替得阮亭詩離懷併入晴
川樹祥刊宣化受恩長盼公開府到江鄉滕王閣畔
攜樽日與話蓬萊紅茗香

再送芷灣太守

五羊城畔三台客

三台山在嘉應州

紅杏家聲好標格碧雞金馬

招之行員嶠方壺留不得花田香風秋夢生廬齋海棠眼
倍明驪歌欲唱尙未唱題詩別花無限情公詩豪宕有奇
氣沆瀣承盤味外味蘇齋老人太將牢苦欲蒲梢施鞦韆

十年聯襪超上林團蒲花雨時拂琴言鯖笑牒縱諧謔
亦許我能知心庖丁解牛有妙旨爲詩爲郡皆如此進朝
肯就蘇齋談知公我相全空矣潁川治績壓鄒枚修史何
須夢却廻祇憐燭剪南衙夕半臂何人舉送來

送方茶山體出守江西

使君讀書雙眼明搜羅古本讐校精使君制行古人似度
已以繩接人榘法曹循循以能升一麾五馬洪州迎個幅
無華二千石漢家經術成政績厚德所治民則舒知君愛
民如愛書以書爲治目爲迂得毋訛謬相沿與數載京華
稱莫逆把臂雖疎心則密私懷况復爲吾鄉但聽父老歌

卷之三
龔黃此別無嫌道路長

送黃資生前輩改官任彭水令

風力吹折河畔柳金樽不暖離堂酒棧道連雲高復高嗟
君叱馭此中走人生出處何所憑雪泥鴻爪隨緣成所學
於世期有濟底須外內分重輕世人侈口誦文字握筆漫
欲誇蓬瀛妃青儼白一技耳百家諸子賅而精網羅貫串
貴適用詎止挾冊爲呬嚶倘使一閭之市無能平坐守章
句徒虛聲吁嗟乎衣食教養關民生如何撫字安孤惇水
懦火烈有至理武健姑息皆非誠作百里侯一孤注睽睽
萬目紛相乘此中張弛變化不一例要令愛民之意吾能

行庾幾慈惠忠信之名無能名嗟君雅樂才筆力牛
弩摩天開江南醉把琉璃杯題襟佳句人爭推玉堂位置
政得所忽然天風吹墮辭蓬萊雙鳬去作彭水宰君但掉
頭俗子哈六月火雲墮地裂化作洪濤濤亦熱閉門一月
車卧轍其時良友間何濶廻思文讎窮三商傾襟一見形
俱忘無何歲月忽已晚昔時鳴蟬今雨霜留君旣不能別
君心徬徨襟袂一以判交誼終自長贈言千萬語無以逾
循良君家山谷作今日與君改官之歲年相當七百年來
道則光君行所學人相望試聽七十二溪之民頌政績共
說君家萬卷今日重開堂

山谷於彭水之東
建萬卷堂聚書

送車漁村同年礪試令中州之行

漁村工文復工棋好謀而成時出奇春官失意掉頭去用
世且可論襟期嵩少奇峰三十六河洛平原曠川陸孰爲
沃壤孰瘠區左圖右史紛在目注選恰作中州行攬轡不
啻身據枰封域防川有勝算課農教織無疲氓清晝沉沉
樹陰綠夜雨飄燈仍對局橘中之樂兩人知却恨離亭絃
管促趨庭一去三秋春乘輶曾訪侯夷門舊夢如雲墮何
處送君願作隨車塵

克齋同年以擢刺史例

覲蒙

特旨召對敬紀

恩遇作詩贈行

國家重守令謂是親民官但有聲名動京邑墨綬往往乘

朱軒劉侯恩遇更莫比刺史召對蒙特旨廿

載神君是素交部民能得其詳矣當君宰上高能撫疲瘠

羅英豪就中高足鄭雲壑乘廷對居然奪錦標當公宰

浮梁鄧君賢者安傳稱君長判訟煦嫗爲泣語豪民感義無

鴟張火耕水耨東南利溝洫無須煩長吏化惰懲貪辨苦

良陶民心苦如陶器君刊邑人藍更番報最來甯都就擢

亦奉中旨俞文翁能作中和頌黃霸行褒一丈車十

年再別再相見促坐時時共歡譙人言無飲不公榮我喜

詎諧逢曼倩金精山是石鼓山易堂諸子誰能攀笑我徒

能募獵碣多君更與招荆關同年項子別來久君許烟雲
分我有闢幽想見化民心作序我能傳不朽項濟南同年
領於君署君
以其所畫金精山便面贈余而索
余爲作所刻易堂十二子文鈔序

送趙小淵起官重往甘肅

蕭蕭曉騎嶠關接離離寒影晨星壓秦雲捲地作秦聲朔
風吹過彈箏峽使君舊治領平涼乞病年餘又治裝兒童
塞下能驂竹父老關中盼樹棠何處蒲萄徵十斛西江直
氣能雌伏宦海驚波岨上看先機自占人間福置家京國
暫淹留超擢聲名早晚收他日遂初同賦後康王谷畔作

羊求

送林敏全

培厚出守重慶

蓬萊仙人分符去管領七十二洞天

平都山爲七十二福地

海棠花

開春爛熳香國定放遨頭顛雲江江色濃於酒此日扁舟

落君手緣山紅葉好題詩洲名錦繡誇誰有

錦繡洲在涪江口

政

成惠績報年豐石魚銜花涪江中好作一圖紀祥瑞待我

泛槎來川東

石魚見則年豐術者謂余當督學蜀中故戲及之

送顧晴芬同年乞假南歸

手抱尺許書購自湖州賈我初識君書肆中意氣已許論
千古朋試就南宮相思不相見慈恩寺裏認同年一笑舊
識然明面五雲宮闕高復高羨君詞筆傾同曹文章誰更

矜斑管意氣真看掣巨鼇一聲臚唱傳天上此事除君孰
我讓誰信榮名得者難偏自淵襟知所尙娟娟新月城西
頭舉杯酌月爲君浮彈琴無過戴安道愛竹何如王子猷
雋才逸韻從傾倒衆中輸我相知早派衍東林世澤垂音
追正始清談好朝來取別云思家買舟歸泛蓉湖槎宮花
壓帽進春酒慈闈此樂人爭誇巾車就駕驪歌作小別何
須悵離索我亦萊衣乞養人歸途定踐登堂約

送方茶山觀簪入 觀旋江南

經術重白嶽治績傳西江偶作奇傑句百斛鼎獨扛鍾山
佳氣莽迴互六代詩人聯襜處擢官得傍謝公墩天遺詩

名發豪遇十年夢繞石頭城卜築烟蘿恨未成
經師待蒐討徑欲脂轄從君行約共蒐刻當日部民訪太守江
州庾樓兩握手舊夢誰尋鴻爪痕離懷又折春明柳一官
匏繫興蕭疎各撚霜髭問著書文章畢竟歸經濟勲業無
忘慕古初

送墨莊給諫擢延建邵觀簪之任

我初得君自服齋

謂魯侍御

壁閒有句嘗三復聯襪論文近十

年玉共銜杯青剪燭我少失學老始知不奪戴席叩邊腹
自笑寫經紙數番操豚蹄作盈箒祝昨秋校士趨瑣闥箕
斗插簷月明屋觀星惜未就銅儀談天恰喜遇炙轂春風

底事催東裝詩夢隨君山九曲仕優則學君所耽身事困
余塵十斛乞郡若許近江鄉他日成書應共讀不嫌手版
謁南衙且可毛鄭圖賈服

君治毛詩余亦方爲春秋學也

送李夢韶典試粵東

我朝文德敷四隩星使掄才到南服掄才亦如品荔支
珍以監紅江淥熟李侯

史館敘勞纔

君京察一
等記名

筆花復

向殿前開好將雅樂三雍學傳與瓊儋海外才

皖城旅舍阻雨遣悶

劃碎琉璃七百里手把一編枯樓底朝來縛纜江樓邊結
束登岸辭長年堦頭泥滑深沒髀主人門右客子左三印

一雨連朝昏旅舍卧看屋漏痕春雲出岫何時歸客心
雨空中飛朝聞一鳥啼簷角旋驚瓦上蟬蛛落翔陽忽裏
兜羅綿誰爲掃淨滄浪天西江水暖深閨夢淮陽北去雲
陰重遊子空歌行路難寄書何處雙飛鸞

黃天蕩懷古

海艘萬艣乘順風薄擊元朮江當中廻波逆浪一失勢太
子卸却袍花紅舵樓鼓聲如落雨夫人挽髻來搥鼓將軍
忘家兵忘身進不破賊退死所我舟兩渡江波平鞞紋萬
頃蒲帆輕時清烟樹足詩料江濶風濤銷戰聲天塹由來
堪固國拒江况倚將軍力問道謀成吮可扼誰爲伯顏畫

此策襄陽軍下蘄黃北采石危磯攔不得

荆山橋道中

荆山橋南二十里由青達徐道由此故堤亘若長虹奔羣
峰疊似屏風倚峰峰面勢分東西中開曠野閒以畦馬足
自隨車轍去塔影忽與前山齊行行認塔條西折折而北
行廬舍列瀕河居民茅屋低織屣編茅生討拙小徑曲曲
迤而東臨岸俯瞰馮夷宮呼筏載車一南望塔影明滅中
流中徐州河堤女牆接堤低女牆二三堞綠堤行就塔前
住塔影疑補空林葉吁嗟乎男兒信目勿信耳欲速不達
堪悟矣獄市不饒齊俗安獵較從人魯國喜君不見隔河

聖塔如目前，紆途何取行。遷延從知安，石甯能誤不及。障
平智自全。

魚山路中

魚山山色何蒼然，百里之外浮晴烟。連峰不斷波起伏，列
巍相屬雲鈎連。我行南出官橋口，橋廢而碑存波中嵐翠拂馬

首。詎知山勢莽廼合，我竟橫穿山腹走。一峰迤邐北更西，
中藏村落如雞栖。一峰外踞倚東坐，赤日坡陀聞馬嘶。此
中幽構在何處，何幸民居得山趣。神女祠聞在翠微緣，慳
未得攀蘿去。

觀山臺放歌次李畏吾韻

般也揮斤羿激矢作事神解誰似此先生才力世盡靡五
岳胷中任驅使眼底浮名笑已已粵東一官如敝屣不能
歸棹建溪水却與西山作平視室東北隅峯然起一臺氣
援太行尾觀空萬象互生死不生不滅迺如是誰與聞道
笑下土塵中識趣固應爾炙輠譚天非正軌內熱安能正
所止豈如先生靜隱几六波羅密真得髓盧行者或庶可
擬我筌兼山占久矣觀象敢詡其言侈

宿安肅書院院後亭外立石三菴秀可愛吾鄉戊辰
進士甯都謝昌言題亭日可以攻玉憶舍姪希申
屬題品石圖因作長句寄之

蓮舫昨携品石圖請我爲作品石詩我詩屬草久未就主
文意欲兼諷規使輶南來至安肅行館喜見三瓊枝高堂
大厦得位置蒼松翠栢相扶持習苔偶爾弄秋色納雲定
可生奇姿對之夜飲不能去品石似此詩亦宜肅都進士
信老輩署額妙意存師資端木說詩發深悟无章袍笏空
爾爲我祖盛德逾百載子孫食報理不疑封胡羯末盡瑤
珥中允雋者珣玕琪汝才通敏性穎脫浮筠照坐光陸離
就我往復索懸解似欲剖璞勤磨治古人成名在廣益我
祖題堂名集思永矢此意苟不失索癢誰復相瑕疵詩成
忽夢寫在卷一輪明月來照帷

太乙舟詩集

卷五

五

渡新樂河次胡牧堂編修韻

初日照水風迴波雲衣疊共鞞紋拖蘭橈桂楫渺何處枯
查橫旂牽而過河畔居民素習水裸身蹴隣蛟龍窩此輩
輕生難倚賴行人覓渡愁則那吾儕乘船有符檄縣吏隔
岸相誰何鞭絲人影光凌亂淺沙急溜聲切磋日色向午
乍烜燠雲氣隔山遙盪磨尙須枵腹馳卅里供頓詎肯輕
搗呵夢神幸免訢羊躡藜莧腸肥拜惠多

渡滹沱河

源發泰戲山北流成交河常山城外一停泊夏漲怒挾千
層波我來孟秋時水勢已前落城下濁泥三尺深五里肩

與難放脚官人雇夫來擎輿負而涉者先輿夫盤渦泥
里許耳隔岸先與愁泥塗驟網憶昨敲冰處十月橋成鋪
草路題橋敢謂馬卿才游梁且學枚生賦

梁家莊觀內邱蔣令蠲免雜項差役碑

屋兩間槐一株梁家莊前官買屋內邱過使官人居官人
居誰所置乾隆四十有三年蔣令供張發舊例舊例遵循
餘百年前明弊政 皇朝蠲東村牛馬西村役淚灑嘉靖
崇禎間槐蔭臨街瓦屋接朝日明鴉樹脫葉過客閒搜軼
事碑長吏能賢心亦愜可惜拙手題鄉氓碑文不書蔣令
名

寶蓮寺

黃楊深翠低結圍高花檀暈明蜀葵盆荷似有寶蓮相
法雨空飄栢子枝豆棚雙縛僧房路板橫牆飯牛處老僧
食刀不參禪種棉種稷自年年

試院夜坐用東坡次黃魯直畫馬韻

銀雲櫛櫛涼蟾行仙佩夢拂珊瑚聲斜河老桂枝縱橫夜
風不放紗帷透攬鏡空嘲飯顆癭剪燭銅盤地紅豆鎖閑
門外嘶花驄板輿何日迎我翁驛路飽看紅葉紅

富春江夜泊

纖纖月出春江曲溘溘明波瀉寒玉夜山堆碧不留雲蒲

葉裁帆入灼宿繫纜津亭客思孤且携短燭照茶書
吹火隔江語網得隨潮紅鯉魚

途中卽目得長句一首

昨日前山雲飛重紆白騰青勢欲縱須臾飛下大闕來雨
脚淋浪平野送今晨天氣尙陰沉雲痕斷處明適岑涼風
掠空日華出郊原霽色開煩襟詩懷曠蕩悟微旨積微積
著理如此雲厚曾無不雨徵山明自有占晴喜

望雨

行旅畏泥淖田家望霑足乍可使行人愁不可使居民哭
沂州以北春不雨麥苗強半未入土官人所雨但得風霧

合雲連去何所幕吾馬今蒙吾車綢繆未雨須勤劬但使
一雨農事起綠疇芄芄波瀾瀾若濡有愠亦可喜

月夜車中漫作

曩時聞說京師中列肆之寬餘十弓對面相望不得語尋
常一雨愁西東今年六月雨最大跣足沒髀堂階下出門
便愁馬浸腹掩關但可書銷夏秋霜刻畫閑晴暉晏溫拜
客日晡歸星瓦排比連雞栖坐車局促頭常低忽向街東
踏夜月一白能令天地濶平時連葦眼不豁乍覺蕩蕩難
超越靜中觀動眼界殊易境輒進前時吾文心千變書百
讀我得懸解從擊轂

昨日

昨日沿溪行幾曲不雨不晴陰肅肅分畦麥隴界空青
隔溪樹影攙烟綠雨中今日綠山行列騎逶迤如負繩陰崖
卓午含暝色山田放水成溪聲從來嶺峻山必峭探幽詎
得誇平眺連日詩懷別樣清田家風味樵歌調

珊瑚汎

盤盤雲岫迴空曲崑崙深林列松竹交柯何處覓珊瑚記
里名猶照岩谷鍊網年來愧主張廣名失笑沙難量閩方
近沙亦呼懷材倚中棟梁選盼取十年生豫章
之爲沙珊

弔鐘岩

無射夷則瘖不語山骨何年煩鬼斧仙訣思尋服食篇憑
岩空欲采鍾乳石笏森列排高峰隔溪遙望殊穹窿過嶺
俯泉不敢啜地肺恐近馮夷宮

從延平舟行卽事

木末如刀柄縛石以刀劃水水生力晴雷殷空箭鋒直水
勢折旋舟順逆篙師之巧天下無不知贛灘當何如平生
夢想八陣圖人力應與天工殊徑思遊蜀參兵書灌莽蒼
蒼絢晴晝舟行觀山山更秀前年秉炬導山行夜影迷離
失岩岫夫頭喚夫夫脫逃山行信比舟行勞衝途作令難
或憐共億徒驛騷水程况助詩情豪

嚴灘虎阜波濤洞吳舫越舫參差開詩人例乘雪月興
士宴舉筮歌杯舟中之樂樂如此閩徼舟行獨不爾青山
矗矗水瀾瀾晚來荒岸石堪蟻乃如身在池館裏細雨濛
濛濕雲外山翠沈沈失眉黛車中閉置新婦如板扉晝掩
一燈對灘聲已靜江平流冥心兀坐爲神遊身非黃鵠覽
九州高山絕頂軼雷雨安得將身置上頭

白鶴嶺雲海歌

夙慕黃山有海雲詩緣未訂天都峰老來筋力詎濟勝此
生愁我難支筇昨持使節歷閩境霞馭雲奇絢諸嶺奇觀
更補雲中君母乃胎仙爲余請鋪瓊疊素初英英俄周山

陸無圭稜木棉花豈借弓拍

余編人以竹弓拍棉花乃茸茸如雪白地錦非

由織成囊以齊紈量玉尺只愁無處施人力雲下居民作
麼生可能虛室悟生白俄頃觀海非外洋心目未足窮蒼
茫却從雲海辨島嶼峰凹峰凸捉迷藏

校射日雲影甚奇聊述

射堂坐對朝斗巖夕靄朝嵐納几席晴雲亭午與鋪綿日
影連山晃金碧山椒濕雲俄上升旁招遠岫紛相乘布空
瀾漫色黯淡飛雨來挾風雷聲雨收雲采忽斑駁白外嵌
空紅不落夕照猶銜屋角明暮烟重向林邊著天光雲影
互陰晴何當落筆如釋冰苦無陶謝驚人句笑比由基不

可能

雪後富春舟望

連山迤邐江之東，船窗坐對羣玉峰。
日光晃蕩相映發，雲白不著纖塵蒙。
此時裁眉插天碧，蜀江可有看山客。
萬壑千巖發遐思，選勝探奇吟雪色。
天台雁蕩來年期，瀑布與助晴雪飛。
可能倚松登絕頂，尙及晴雪未消時。
聞嶺昔游登峯心，懾獅蹲與龍攫韻。
勝由來迤浙山，奇觀漫欲矜鯤壑。
晴波貼妥蒲帆開，前宵風雨首重回。
飛瓊乍別瑤臺去，弄玉紛騎白鳳來。
勝境憑誰分甲乙，化工乃壓詩人筆。
雪餘飽看富春山，冬心澹定愛冬日。

永康途中

東疇麥穗森成行西疇水滿排稻秧前疇曬土土裂塊後
疇叱犢翠雲外四圍山色環綠陰前門一徑如危岑上岑
下岑路不陡環山仍列橫縱畝

入青田境舟望

巨石嵯峨踞山麓高處蒼蒼如削玉刺船轉側傍溪行百
里溪光搖淨綠

連雲障夢繞龍湫芒屨惜未探其幽分枝散入括蒼境擁
黛如屏送去舟

劉明東布衣

開

徵其令祖浣溪先生七十壽詩

吾師曩說劉布衣走七十里投其文貧而願學年甚少
筆已挾江河奔平生相望不一見岑岑託契空懷殷皖江
昨歲乍機楫客堂千里初叩門蕭蕭疎雨對暮色惜惜文
几開秋軒本師不見見之子覩縷道妙窮本根乃知克家
能述祖謝公文采斑斑存人生科第本外物錦繡不敵大
布溫但令有筆能到古壓帽豈詡宮花尊不見君家海峰
一寒素詩文卅卷誰得覩其樊龍眠奇秀無與倫浣溪先
生爲替人梅花百首發新咏易義千載傳微言仲弓隱德
鄉黨敬繇山品藻名流親再世未覩騷子達名駒鍾此孤
露孫近世古文少師法苟非罃駕卽局轅君從吾師得懸

解海峯况復同其源努力所學勿少懈立幟定起蒼頭軍
吾辱親厚言不媚重堂定許傾清樽

寄壽伯生五十初度時郎君領京兆薦歸齊河署稱觴

海東朝旭昇紅雲西連岱麓光瑤璘仙樂奏空笙鶴羣翩
然來壽平原君平原君乃忠烈裔吳中十世謠門第詩人
政復勤吏事遂有郎君成國器我初握手倉山傍詩龍酒
虎紛翔翔樓頭秋影何茫茫喝月倒行空引觴念年宦海
間何濶夢到倉山猶挂笏湖浸鵲華泉酌突班荆竭喜參
千佛當年綠髮何處尋鞭轡咎鳳聊追吟文章華國成底

事鳩民喜汝能用心若寶秦碑幾片石我寶東坡幾行墨
前以姬傳師書筵用冷淡生涯文字緣一笑兩人迂有癖
君屬爲刻石傳布懸弧吉日梅初花令子采服趨南衙明年喜報泥金帖阿
翁有句合籠紗

萬廉山夫婦五十雙壽詩

廉山疎眉雙眸清雕龍炙轂堅白鳴談鋒所摧人莫撓藏
園荷記秋露擎臨池吹簫杯交傾矮屋促坐聽瓶笙席帽
布簾圍短檠江鄉鴻爪停雲停廿年前夢離懷縈別來白
髮生幾莖年始及艾身孤撐一枝不律揮公卿卅口家累
資經營作吏兼有愛士聲東南才俊爭班荆大魚小鮮同

一烹理繁治劇無不能一舟宦海隨濼濬萬卷擁坐猶呬
嚶讀律讀書何所憑平生肯作郅都鷹名賊誰辨圓淨僧
瓜蔓偶爾聯溝塍摘果五伯呼空磨我亦讞獄如荒僮不
知雙成有目成日測碑影譏李程說經欲學楊子行君恨
身未登蓬瀛有子能爲劔閣銘我居史館空囊螢生兒乃
似劉景升世緣所屬誰虧贏塵累莫取靈臺局况君江南
多友朋吟詩讀畫聽撈筆衮師驥子看飛騰豈徒紅芍馳
聲名秋雨初晴秋月明劔池坐石更灣舲遊履到處烟雲
迎相莊鴻案傾綠醕燕臺此詩緘溪藤君其讀罷舉一觥
陳曉峰鄧嶰筠兩同年皆以今冬五十初度用東坡

作子由生日詩韻各賦一章以介其壽

吾宗吏治揚清芬土民施以勤沐薰決獄能判梟鸞羣
涵明鏡心慈雲從來過惡如救焚觀民術如觀波紋塞彼
導此功豈分游氛掃乃祥光氲請看史冊稱神君知君史
圖與書墳探討不獨資爲文書生願力負山政經術飾事
非漫云外臺諸公多策勲度幾旂鼓張吾軍謂遷擢君今
諸同年
超擢行復勤但願不爲世所醺用蘇詩本句腐
頌不忘規之意譬富歲亦

勤耕耘我頌豈獨私榆枌歸奏笙樂歌續紛壽筵梅花香

正翫此詩堂上應喜聞

堂上就養君署曉峯生
日十一月二十九日

琅玕儼節君誦芬

君家萬竹園
先世遺宅也

登

朝班馬香濃熏慈恩

與宴欣同羣爲韓爲孟盟龍雲爲君苗硯交相焚十年觀
河無皺紋一朝宦轍中外分詩懷朝靄連夕氲君憶我如
我憶君昨來感述董相墳鏤版貺示耕欄文君以宋正言公耕欄先集
見過我剪燭宵捫蚊我亦述祖詩有云窮經如策汗馬勲
再世名將期成軍余時校刻先大父易義割記喜君政績夙昔勤飲醇
能使民知醺西秦重莅耕繼耘作壽何啻君居枌躋堂稱
觥行紛紛迎郭細侯香辨君君其作詩使我聞

壽吳蘭雪親家六十

去年一病歌更生今年六十應稱觥益年助汝詩聲名天
公於子良有情子亦能知天玉成易字澈翁心自盟內

屏色外屏聲天籟人籟惟反聽讀曲不復歌蓉城皎皎
月騰空明湛湛止水淵且澄詩境一變趨上乘白玉蟾庶
前身憑詩人邇日誰典型鮑詹事建大將旌詩外有事學
亦精其行壁立其言誠奏之明堂諧咸英實於江海逾瑤
瓊羨汝聯袂欣得朋雍容禮射交耦升我但旁睨如邾滕
交綏詎敢當齊荆今當周甲頌岡陵有酒如淮復如澠君
其齋心存黃庭壽身壽世皆有徵絜吳鮑以李杜稱我當
載筆書汗青

壽平叔制府六十有一

去年宮保慶六旬謝客不肯延親賓倚聲先期作致語爲

我使輶將出門今年我歸居會垣榴花荷花交鮮新浹旬
握手輒三四避面乃當攬揆辰宮保之才邁等倫其於爲
政如論文斷望能運成風斤與我肝膈交披陳宮商互奮
真筦墳回首春明過廿載忽忽俱作白頭人三山聯襪其
以因五美何以尊所聞木蘭之陂利因民軼宋復唐追絕
塵萬家生佛民頌恩知公刻意師古賢德澤推行爲陽春
六旬晉一歲在寅杖朝積筭成壽身我作此詩侑一尊笙
奏合聽南陔循

寄壽鄧嶰筠中丞

嶰翁鄉舉年廿六與我同歲爲庚申慈恩與宴復辛酉卅

年情好如弟昆
鱗翁撫皖今八載
長郎囊筆登朝
宋謝容
新詩攬揆章
抱孫綉葆瀛洲
綵頻年水患連
千湖噉鴻安
集心勤劬頗聞
聚落必親歷駭
與不避波濤粗
賴毫南聯
壽北境思與拊
循威坐鎮較量
循吏使安民猶
自書來言
未信來札以政在得人
每難稱意爲歎
我昨校士遊明
州訪君初政殊
優
優月湖有亭名
衆樂君寔之句
君能酬我昨題
畫寄四幅
周甲致語爲遙
祝未及作札索
君笑笑此孟公
懶修牘西
湖西我未北歸
皖公山色夢中
題明朝天竺謁
大士聞思
亦和東坡詩余昔嘗用東坡
寄子由生日詩韻寄鱗翁
明日余適典星使諸君有
天竺之遊

孔莊谷夫人七十壽詩

聖裔篤學有二子辭章攷訂能兼之髣髴先生叔莊谷餘
事復工南宋詞大小夏侯歷二載質行固足爲人師乾隆
辛卯舉進士與吾舅氏名同垂莊谷有書嘗往復未之面
也神相知走昔弱歲依舅氏聞二子名心竊思窮經纂述
與一得執卷他日相然疑後生前輩不相及讀其遺集徒
生悲神徂聖伏傑士少閔馬父言尤堪悵髣髴軒有子守家
學花磚我得同追隨家集每示年家子手抄口誦神奮飛
句梳字櫛伏一凡不啻侍坐親履綦荃溪昨者已乞假云
叔祖母年古稀德門自昔多賢哲索我侑以觴稱詩名德
所仰得交誼質以述之辭不支同朝他日多孔氏願毋福

履登期頤

代人壽淮甯吳雪堂大令姜宜人

碧堂元室開瑤池靈香郁烈祥雲垂颺車羽輪紛來馳
龍綵鳳交參差仙官簇擁真元妃侍女娟妙絳節持
琅璈瓊笙吹淮陽古郡蔡水湄仙樂殷空翳華芝睽睽萬
目驚光輝詎知惠廼有感施北堂正獻稱觴卮豈弟福祿
神所貽飛鳧仙令宜膺茲惟母作配垂令儀惟公從宦多
恩慈軼事昔當南詔時佐太守治隨彤帷通關召丙居士
司叭先捧蚌軍偏裨蠶目豺聲力豹螭異志潛蓄思乘危
接竟他郎當九蓮有白貶思乘間窺同惡共濟人不知機

伏於隱傳者誰又川中丞心然疑草薙禽獮無難爲先發
特恐驚我師急召大吏相延咨欲得辨才偵察之大吏各
各舉所知中丞掉頭棄如遺出片紙曰某在斯衆視公名
官苦卑厥心掉磬目愕貽無何策馬出路歧公氣已却干
熊羆一襖被一奚奴隨酣卧賊帳聲如雷諭以禍福無異
詞尺兵寸矢豈交綏臥先捧懾隨公歸羣吏聞之爭相噓
中丞大笑屢領頤謂君等盍明兵機孫子伐謀道可推况
此公福方無涯李虛中術微乎微吾以是決如卜蓍吁嗟
公才載路碑欲更僕數茲尤奇折衝樽俎安羣黎他年建
節持旌麾士民各各甘棠期兕酒公堂登堦墀卽今頌祝

應無違膝前森列瓊樹枝此時彩服爭娛嬉他日鼎笏光
陸離

賀王楷堂前輩得子

烏衣老宿秋曹英才氣凜凜霜鋒明撐腸拄腹五千卷作
詩不作秋蟲鳴尋常隔座發長嘯俗耳驚若洪鐘鏗詎知
胷中分渭涇此老辦事殊持平狂花客慧那足唾繭絲牛
毛無遁情走也十年數相見昨與論詩意無間固知生才
天所褒商瞿晚樂公能擅空中石麟何處來果徵吉夢同
朝彥餅筵初看錦裁衣鱸庭與祝蓮歸院君不見君昨買
硯三尺長肌理如玉生奇光護以長几覆以廊位置其上

千縹緲君知硯田無晚歲試題此室名吉祥待成他年大手筆留與此兒揮玉堂

芝齡少農招集觀劇以報客歲湯餅會諸賓補成長

句一首

昨冬既望吉日吉湯餅筵開妙香室我來驚座傾清樽頌以君家夢花筆從來四海一子由君之友愛東坡儔弱弟得子如已子新歲徵歌重獻酬我不能畫能索畫關仝後裔有宗孤何當煩寫五樂圖

君有題關仝亭四樂圖詩見集中

捧向高堂

爲再拜頌君一語君宜勤畲吹篴合更吹塤漆丁課讀年年事繞膝爭開散帙雲

葉二多於嶺上雲君自題四樂中弟能讀圖句也

哭友人

騎鯨噩耗騰春雨淚墮心驚還口拒如何張敏夢都迷歷
履不聞元伯語九天雨露迴春色子贛威猶懾河伯當年
請代煩巫策此日巫陽畱不得翡翠幃飾高堂司空灘
前迷故鄉牟尼百八珠畱別去意來車歸北邙素車白馬
迎何處顏甲徒能賦薤露榴綃照竿馬踏冰鴻泥怕認前
遊路新豐客子初碎琴雲衣續向松間尋僦僦從目亦破
膽青天白日黃壚心化鶴歸來聽黃鵠星語賁即會轉轂
以神仙起居法奉贈覺叟前輩系以詩並述焦午橋
同年

景新

所教日課緩行千步法以當芹獻

戶樞不蠹有至理緩行千步氣脉舒侵晨飯後三日課昨
苦小極旋就蘇我有神仙起居法乃楊少師凝式書其功
頗煩未能習嬾性惟喜此自娛焦子豈卽天上裔示此簡
法援吾愚先生志業時所須如仙度世功必殊昨亦減食
今何如身世百感姑舍諸公其善保千金軀敬爲芹獻明
區區

介坪同年自言有夢必應今年以令兄試禮闈恐格
試不欲復成分校之夢初五之晨旣覺而復夢有
以桃一盤餉者及入闈拈得十八房信事之皆前
定也伯昂爲作圖用光亦繫一詩

春寒尙壓衾晨光漏窗罅生怕夢中緣又引莊生化緩山
桃熟何人摘瑪瑙堆盤來獻客避夢偏教夢境招吉兆知
若辭不得實旣采花自種十八公重入夢

四月八日發陳州

是身如露電誰因復誰果剎那轉輪中有佛卽有我善男
子知識其力能轉物面目認本來是我卽是佛護世城中
初託生千秋震旦傳遺經西域法距尊弧矢乃於東土崇
其名我生頗具四方志願得人人證初地佛生日乃我行
時千八百里初攬轡車前風吹一尺塵去之淨土經由旬
金繩覺路眼前是道刻水牯愁難馴人相我相兩拋得底

事十年須面壁解裝逆旅寄團瓢一樣燈花照行客打包
入定兩悠悠出世入世無多求只餘一事堪畱戀白雲親
舍天南頭

題畫和合

開胸出卍字跣足踏蓮花世閒萬事不挂眼拍掌一笑只
董譁游戲萬人海託足浮屠宮執爨洗器何雍容頭陀苦
行人天通眞佛出世豈偶爾豐干驚倒閻邱公吁嗟乎佛
在眼前人不識漫話寒山與拾得誰知閬闔兩狂兒曾有
珠能轉物我昔蠟屐黃山東裏糧惜未攀雲峰靈踪秘
難易覩至今夢落寒巖鐘勞勞塵妄何時已苦海難乾

愛河水偕大團飄作麼生我自孤行我法耳不二門中大
歡喜證法須得善男子一笑問君君可起念波羅蜜從今
始

戲題醉八仙圖

安期羨門不可見海中吹斷神仙風金臺紫館杳何處鸞
膠鶴駕紛虛空八仙遊戲徧寰宇異事傳說誇兒童不知
相傳此說始何代但見丹青刻畫處處摹真容茲圖作意
更雋絕轟飲一醉直欲掀鴻濛想當朝罷東王公羽衣絳
節不復從橘弈輪飲等戲劇碧柰花側盤礴星斗宵豈獨
仙酒壓倒山中醞政使盧敖若士此樂無由同我聞交梨

火棗生胸中金波九轉天無功五千言外叅同契伯陽李
耳並立如華嵩王重陽教既流播自元迄今道爭隆正陽
純陽立名號亦如慧能璨可分禪宗以前洪崖浮邱俱荒
遠遙溯黃石與赤松我家亦有希夷子華山雲卧窮無窮
壑髻道人時在坐關西逸人頻相逢倘客乞取真仙訣要
當裏糧擔簦一訪玉女峰冰桃碧藕饑可充黃庭一卷心
能通上界仙人雖復足官府庶幾列名青簡許我騎茅龍

贈釋達宗

一瓶一鉢湖湘至隻影人寰縱遊戲杖錫初指匡廬山開
堂晚得鷲峰寺多羅樹倚蓮花臺金碧照耀琳宮開締構

淨域闢榛莽噓呵死樹迴風雷寺久傾圯達宗募緝一新殿旁槐樹已枯至其卓錫
之年愈炙轂談天喙三尺成就空門大功德昨向齋厨飽
僧供悔我遲來接巾舄鍾山草堂我宴居左翻貝葉右圖
書向君問取西來意許作儒家龍象無

吳將孫武銅印歌

漢官私印潑蠟鑄周秦以前難具詳會稽新守驚邸吏未
聞班史誇銅章南朝琳之議更印自茲承襲循爲常從知
范銅本古法意示久遠宜堅剛後人好尙喜奇異車璫璫
珥象犀金玉一一羅縹囊蟲文鳥篆作款識點畫斑駁生
輝光調遣官符本官鑄用以私記亦復垂縑緗孫子齊人

將才良佐吳破楚吳復疆當時王帳臨漢江黑雲壓營天
兩霜羽檄飛處印花赤血色旗幟爭輝煌不知所署將軍
之字落何處但餘私記小印一具形微方土埋苔漬銅色
蝕千年掩翳隨滄桑一朝磨洗出光采乃令淵如先生得
之喜欲狂先生嗜學終歲常不遑百家文史萬卷儲巾箱
十三篇經鮮善本獨從道藏校刻搜微茫訂訛補缺正亥
豕十家之註完好垂琳瑯此才俊傑作後裔坐使兵謀儒
術體用彰胡爲從宦不得意衆手交撥令人傷卽今西蜀
小醜尙陸梁 王師四載勞荆襄頃池弄兵本易戢勦

撫失計成披猖先生他年倘建伐謀猷以盡洗甲兵誅穢餘

黔首復業士歌頌凱歌到處
皇仁揚賤子願得從戎
行看鼻磨墨歌慨慷庶幾一爲此印鳴得所千秋萬歲先
生勲業書旂常

仿作漢建初銅尺歌應翁覃溪師命

建初銅尺存曲阜仿作特范西洋銅東卿葉子性好古持
以壽我覃溪翁翁昔視學至闕里車服禮器瞻遺宮餘事
訪古到漢尺仿以檀木藏篋中後二十年遇葉子精誠復
遇阮仲容物聚所好美必合慮厯舊式歸新銘事見覃溪
夫子建初
銅尺八月十六月煥彩金波穆穆垂圖穹嶽降之夕祥氣
集來執爵者咸雍雍侑觴作歌借詠古量才深意知所從

周漢遺制入著錄經史考訂須磨礱古人治國具條目國
有六職一曰工同度量與角斗甬二分月令守則恭豈獨
巡守飾鉅典五禮五器期從同信道信度有本末仁心仁
政維始終書生佔畢思致用實事恒責求是功憶昨本師
寄木尺戊辰春姚姬傳師以木尺見寄四面刻周漢宋及本朝尺護以錦匣包裹重
四面環刻別四代書案藉發稽古曾千里達意拜佳貺三
年舊夢迴春風兩夫子本文字友經帷幸得攀高蹤作詩
兩質一爲壽蓮卽和喜鳴洪鐘

鄭中丞小忽雷歌

匙頭刻臣澆恭製獻建中辛酉春十字孔東塘題五絕二首

入手雙弦乍披拂欲聽繁聲誰按節遺器難尋大忽雷

中丞手內物中丞生當文宗朝薄命不如沈阿翹當年

時觀玉方響襲錦香薰檀架高承恩一種君王側涼風偏

日歸鈎弋不聞珠斛賜江妃至竟伶元伴通德玉手提携

擬攏工想像徵歌自建中流傳會落坊南宅款識猶題韓

晉公

建中元年庚申則辛酉固二年也中丞以善彈小忽雷擅名固無碍韓晉公獄之內而傳及文宗時耳南

方貢朱來鳥亦二建中初政尙矯矯辛酉二年有表登

年事見杜陽雜編樓解訪綠衣人寫經忽識朱來鳥聽到無聲孰擅塲太和

遺事儘堪傷進謀雖識姜公輔題句還猜仇士良從此強

藩漸猾夏伶工星散宮官寡可憐彈與健兒聽關別駕同

石司馬霓裳法曲散如烟幸與東塘句並傳龍首鳳臆規

模在已閱滄桑九百年

太和二年雁塔題名拓本歌

唐人題名登雁塔局席成例恒相沿登登響搗不脛走人
間散落如雲烟太和舊刻蘇齋得摹本不數宣和年柳家
自有元和脚二子族屬同誠懸門風墨妙兩足美蟬翼影
取薑芽妍如何歐宋不立傳我繹史事心悵悵文宗初政
頗修飭取士欲以敦行先試題內出變文格不廢進士知
所權從來法久弊或積以人馭法弊可捐懲湯吹齋徒爲
爾苟非甚者休更紘遴才一端得懸解施措萬事從軒旋

錢武肅王洞庭銀簡拓本歌

寶正三年歲戊子三月吉日修壬申墓舊祠投此其一居

民得之湖水濱太湖邇時屬吳越元祝祈恩亦人傑先事

爲民捍水灾何人述此祈禳切投文選三月壬申日而告文有壬申行年句意取禳

祥其爲武肅無疑辛楣先生定爲文穆似誤也我朝行省分杭蘇七十二峯俱

在吳海塘有工謀自浙伐石須借震澤湖南埤北漲自天

意湖神受職資人事籌國無分畛域心鄭重東南財賦地

三千强弩話當年霸才銷歇人爭傳摩挲拓本珍蟬翼懷

古欣成金石緣

吳越王買燈歌

宣德樓前陳百戲放燈三夕金吾例火樹星橋再買春山

棚照處銀蟾細闌蛾兒隊各分曹使喚蜂蝶春聲高不化
蟲沙化燈燭越人有命無脂膏進錢巧助朝正禮納土歸
朝心似水可憐節度早開門却共魚龍來入市秋雲照夜
換春雲他日燈山亦紀恩從知歸宅如歸國贏得中元會
上元

題宋謝文節公號鍾琴詩鮑覺生前輩屬

東山之桐西山梓斲而髹之勝綠綺六百餘年墮燕市想
見間關橐負隨冷玉森森彈宮徵霜鐘聲激西江寒金音
迺入絃音間號鍾命名尋古歡不知當日歌正氣倘譜遺
操傳塵寰

聽彈塞上鴻

舉世但誇箏笛耳何人解聽山水音論文深處正似此誰
與操縵論鳴琴丁君妙解琴中趣玉軫金徽對朝暮戴侯
樂府得琴理主客深情結遙慕我未聽琴但作詩媿無佳
句酬賴師楸枰一局剪寒燭玉蟲墮地螢點衣霜天漫漫
月華白何處塞鴻聲入拍十指能迴索米心滿眼江湖歸
未得

永樂大典餘紙歌

永樂大典嘉靖錄藏二百年今發覆大典學士奏 允行
四庫館開修纂局翰林職本在文字 聖主恩深榮簡

牘 詔裁餘紙資諸臣俾接古香伴休沐太興秘校與

此 賜歸作歌詩聯卷軸羽化銀杯戊戌春劍合延津

癸酉得穀皮魚網有遭逢漆簡竹書無朽蝕星虹夜貫蘇

齋中玉堂夢接鑾坡直澄心紙出南唐造蜜香亦來大秦

國杜寫傳解王寫史人爲楮公矜拂拭盛業羞傳博物名

不數茂先誇理側詞垣嘉話邁千載後進爭傳壓心目不

見傳抄釋例編 武英殿本人爭讀春秋釋例自
大典內抄出鮪生初

窺石室藏會約石林事副墨昨校唐文繙秘冊石林持節

旋南服余初約葉芸潭於清秘堂同閱大典未果而芸
潭督學閩中昨在文潁館校唐文乃得見之孰

知詩境斯冊在玉版銀光快新矚聖俞子美今蘇齋下筆

無須悵永叔更爲虞預晒南朝請紙空聞四百幅

花西廡齋消寒第一集題明宣宗醺壇銅琰歌

世人不見重黎琰范金合土誰知之宣德賜號劉張沈不
是嵩山唐鍊師醺壇法器前朝遺長圍徑寸耳抱螭腹鐫
一字字曰宣宣武宣德難考稽花西居士作詩課云此可
發瓊琬詞洪武黃籙奉真武與玄元廟應同譏歎後世宗
盛齋醺長生有道勤禱祈撰立或賜一品服青詞作者登
台司時君好尙乃如此大臣持祿誰進規五百男女海風
吹文成五利印佩馳甘水仙源飲者迷全真教衍嘉靖時
宣宗好道史不著椒殿胡爲稱靜慈嘉靖銅蓋留吳西此

大乙舟詩集

卷五

三

蓋似之良足悲我聞此言忽大笑君似史遷真好奇前朝
遺器稱宜彙以例範金理亦宜古鐫鐘鼎鐫尊彝繫以年
號垂成規宣武第一地名耳懷中蓋已遠雲飛吾臆爲唐
良足嗤君斷爲明應不疑吾曹文字相娛嬉游仙往往多
瓊思君持此蓋伴墨池龍賓果腹蟾蜍窺菊殘久謝萸囊
春盤況復歲殘持七子言志聊賦詩撥置史斷拈吟髭
明日門生持稿去七襄訝出天孫機

謝煦叁師分惠內府 賜箋

斗室朝陽眩銀海開城忽訝琅玕在 上方珍賜到人閒
星金護雲龍彩平生弱腕愧溪藤肯負疑光制樣精唯

應轉乞誠懸筆座右重誓于玉鐙

乞春湖學士自製丹砂印泥

晴霞墮地吹不起龍宮倒影半山紫文章忽訝光凌紙割
取此砂鈐紙尾澄以清泉出五紅亦似丹成九轉功撥弄
浮艷傳乃久我輩淡交懷抱同

銅硯嘆

閩人製銅硯空其中爲懷挾計彼自以爲巧吾嘆其愚矣

磨鍊不學桑維翰父手且遜溫庭筠誤會玉溪獺祭法舞
文乃作鈔胥勤勦說雷同古所耻安肯兔園求冊子邊韶
腹笥彼何人何不學之習經史吁嗟乎銅臭安能發墨香
骹法詎可誇智囊倘能折節悔過如周處銅硯等之蛟與

虎毀銅甌硯吾與汝

詠遂昌石碁子寄懷董六泉張竺軒

遂昌九雲峯嘗產石碁子聞昔葉法善與仙曾弈此局終
拋石散嵯谷後人取之輒盈掬若使收奩待對枰不假琢
磨取恰足遂昌距郡百里餘吾不能往心煩紆夜闌忽作
積薪夢遇仙不必婦與姑寄語董張二仙友此石一旦落
吾手更許吾來坐隱否

用東坡試院煎茶韻謝子升監試同年惠龍井茶

南屏山下春水生龍井深處春鳥鳴露芽雲液焙百片包
裹遠致輕颺輕香參鼻觀品無二使君雅識虛全意紗帽

龍頭不肯煎此地難得六一泉吾鄉產茶異閩蜀雙井
枝如碧玉客久鄉味難療饑麻姑夢翠浮修眉我家近在
姑山外紅泉何日餅竿隨君不見大梁使者過眼八千卷
煮茶心到東坡監試杭州時

臘鼓

鼉皮代以勾驪絃雜以金聲搖不止衆中擊節闐闐忙街
頭拍手兒童喜導禱法本前人爲沿於荆楚來京師假面
金剛亦難得但憑此鼓相娛嬉顛倒人前八風舞公然壓
倒芭蕉鼓誰從伏臘一審音驗取來年底草廡噫吁嘻都
無答臘手競捫鐸通鐺節應難論我夢黃桴與葦籥何人

持此過雷門

謝官舉雲太守惠不灰木爐及紅媒迎春二花

象口吹香雲拂鳳獸炭初迴龍腦凍搖窗雪色冷銅鋪湘
瑟秦簫間一弄高堂宴客紅瓊瑜酒間行炙趨豪奴燈清
火冷獨何客灰撥陰何吟至夕冬心抱入梅花夢迎春嬌
影煩君送煨芋嬾覓嬾殘師清泉香餅聊吟詩歸田錄人
遺歐公清
泉香餅一籃用以焚手
一餅之火可終日不滅膠州鋌子空耐火見寰宇記
易州新製
京師夥花前雲笈發遙思重是黃婆土所爲銅質鍊材俱
遜木悟取調鉛配汞時

迎春土牛歌

綵仗迎東皇農官擊牛農壇傍民間買牛祝歲穰迎
春亦鼓吹將繡幡綵燕相輝煌綺門朱戶歌樂康左菜
右酒牛中央土德合牛牛德良牛兮來歲烟隴忙行看穠
稔青且黃牛功告成打稻場牧童吹笛騎上岡岡前春草
綠岡長牛兮飽草人飽糧年年歲歲歌其常土牛語牛牛
莫忘

李蘭卿侍讀招作山谷先生生日齋中供畫像及所
仿作先生坐石牛像

寶石寺前石體作蒼牛卧伯時爲之圖山谷於焉坐七百
餘載龍眠孫三山巧製携自閩虛堂設供作生日虔拈香

太乙舟詩集

卷五

三

辨招朋賓惟公文行皆深醇性情乃見詩人真舍人傳衣
心所親導源亦自蘇齋門讀公詩能學公學豈不足勵西
江人憶昔詩題三祖山公時年纔三十六我生之月幸同
公年逾五十鬢凋綠高真衆靈如我招我亦頗解遊逍遙
獨恨句法去公遠坐受歐陽季默嘲

題伯昂瑣院放雞圖

翠剡剡草不剪聲粥粥雞不逐雞來自外間放之滿院中
棟花吹老三月花雞飛且走西復東官厨充膳日一隻十
八房雞月五百可憐生死雞未知且向空庭適其適吾聞
市僧初買時七千餘隻盈雞栖盜米黠胥有飼法瓦屑和

麪使不饑不饑但可數日耳瘦雞入關旋亦死爲想災黎待賑
人鳩形鵠面皆如此

煦叅師母夫人賜畫太常仙蝶敬賦長句一首紀事
入關柱石青牛行叔孫綿叢宏漢京問禮欲作漆園夢蝴蝶
忽化魯兩生解繁除苛清淨旨西晉清言糟粕耳休養
生息致太平文景當年效若此我皇盛德邁漢文老
道表瑞騰化身祭則受福戰則克太常俎豆欽莘莘吾師
應運扶天子賈生劉向與議禮退直曾見仙蝶來夫

人寫圖紀盛事我是彭宣拜後堂得畫裝帙藏巾箱容臺

禮樂瀛洲筆敬奉傳衣一瓣香

吾師有瀛洲容臺二集

秋蝶

銀床一葉飄秋氣入羅幕紅芳拚得雨中愁蝶抱花魂無
處著漾漾簾波映曉屏微微烟篆淡晴暉羅浮衣化仙雲
連夜合泥融春夢歸開元宮嬪誰人見青陵臺上涼風遍
浥露啼烟幾萬枝可堪人立斜陽院明年春事復何如待
拋鹿韭飼春駒施郎儘有探花句寫向滕王蛺蝶圖

芝亭以阿蘭菜見惠作此奉謝

昨者題君菜根圖雞豚之味入口無鱠肝鉞腎得清趣清
齋徑欲供伊蒲侵晨束菜忽拜賜法自冬醢宜遠致讀罷
眞珠字數行

君示以入
饌之法

紙端已露烟霞氣梗柔葉細就包

裹疑是頭綱會焙火酢漿濃浸糝以蝦酸寒領自儒生可
兩花臺畔風露清一頃之外不蔓生問之居民無種法產
奇出秀如芝苓吾鄉冬菰殊可貴清雋不數吳葦味君家
瓢兒菜亦奇我未果腹但作詩余舊有詠瓢兒菜詩辱君惠好補此
憾得一已誇當屬厭辟雨佳士一先逢雖不偕來且慰暫
國香服媚懷澄沅美人不來湘雲遠芳名假借入嘉蔬毋
乃餐英比執碗不然賀蘭之名沿訛稱亦如諸葛傳蕪菁
西師凌山備軍食挈種種入江南騰登登臘鼓迎年扣雪
後晴光落虛牖午夜憑消橘弈心月來屢與君爲棋會辛盤恰佐屠
蘇酒我往江南未識君十年題袂接芳鄰何當蠟屐期他

日同撻鍾山一片雲

徐熙夏葵圖

綠雲叢叢吐葉稜金粉的的迴檀暈熙也折枝勝趙昌生
色著紙如堪披羣芳得氣爭嬌妍孤根向日仍逢年開花
偶似牡丹耳奇姿肯受春風憐炎天雨過鴨浮掌不辨行
三與畦兩菜把中標承露名天地生成信無黨我朝治
化追成周賢相絕勝公儀休冬烘何事耕且讀飯罷藿羹
思獻曝

朱野雲於九月三十日生椒堂副憲於首夏爲寫菊

花作壽爲題其冊

菊潭重釀延齡酒天爲山人闢重九夏時先寫閨時花
寒盟得同宗友吾聞琉璃佛生同此日月魄沉沉動星斗
不知旣得道後度南瞻每與如來望日同來否又聞包老
蕭包南澗咸淳九月生日紀乙丑幼號神童壯治經宋金
華友傳不朽山人心亦似琉璃放大光明絕塵垢分來慧
業頗通神筆底雲烟出雙手晚年得子殊聰俊長者昨已
槐街走似聞蘭夢復有徵老蚌生珠事恒有山人今年七
十三置閨期合數非偶見復菴詩註相公功名勒鼎鐘溫德州相國誕
辰與山人同山人筆墨紫瓊玖膝前兩郎奏笙雅彬彬坐客多
耆耆作圖惜我未同時飽飯盤中添節藕

寄謝芳谷太守馳送荔芰之惠

平生耳熟荔芰名初食之年逾六十亦如賢侯初抗手傾
心無異盟車笠建陽山水殊清佳惜難高處登芒鞋濃粧
淡抹見西子不輸一錢心更諧見孟傾城尤物忽兼致一
騎遠携兩囊至夢廻瑣院柝聲三珠挹冰盤座香四建州已三
拜嘉及此白紗中單語絕工佳句難追長帽翁眼福口福
而四矣語賓友山行直御冷然風

和宋芷灣前輩盆池菖蒲歌

長安旅寓少花木隙地種之聊自娛去年詩老乞花種芷
自餽花今年教種池中蒲錢蒲品次石蒲貴溪蓀白菖皆
種數色

可奴石蒲仙種生番禺王敬美亦誇洪都羅浮山與匡君
廬兩人各占仙人區宦游不得乞身去合眼空復歸江湖
掘地作池固善策汲水貯盎非良圖不能成仙且適意清
供雅稱山澤癯况我平生喜讀書照室苦無記事珠囊聞
韓終服此草萬言不足當清臚物類雖殊誠感一仙人或
憫愚公愚浣腸濯胃發奇夢曉來邊腹成五車作詩質公
當息壤知公讀罷爲軒渠君不見東坡夢折青珊瑚石芝
滋味如雞蘇

梧門前輩約觀花次韻

澄湖十頃舒空波紅雲漸多白雲少西風作意送新涼入

座荷香拂衣早邇來正苦詩思澀詩境招攜得詩老琳宮
翻怨難久畱坐對真成被花惱黃橘影橫排雁齒椿岷光
細舞龍鬚草朱樓碧樹倚晴霞十丈紅塵跡如掃瓜皮艇
子劃波來藕戶蕩舟髮蓬葆橋上車聲斷續行車外行人
亦了了渾忘來徑跨垂虹却向西山數歸鳥禪心正喜鐘
聲韻綺懷肯要歌喉嫋曲江詩擬韓退之宣城郡賭羊元
保時梧門以予好奕見嘲兩事難兼得一佳雋游況此曲江好何當
文字盡屏除但向烟雲事幽討風菱雪藕餉尊前年年來
共僧厨飽

花窖

繡壤連畦事板築，支拱封泥低。架屋年年生，計護花勤笑。
比豪家餘積穀，豐年境象消暑時。對花坐受香風吹，身披
境衲北嶺去。山屋憶詠田家詩。

七夕苦雨用禁體

商飈颯颯來何遽，倒捲黃河上天去。頽雲忽掩顧兔光，碧
浪遙衝白榆樹。投壺不遣玉女催騎鯨，誰訴閨闈開此時。
竟疑天帝醉鸞鵲，鶴駕都徘徊。七襄遺愁雲錦濕，盈懷定
有鮫珠泣。桃根桃葉彼何人，怪底渡江不用楫。年年風浪
爲誰多，駸女癡兒恨若何。可知天上神仙侶，翻羨人間祝
牧歌。

灑淚雨

離離月落西巖早整駕雲駢待秋曉
猛雨初從午夜停離情怕看晨星小
遙見東方一縷白此時欲別別不得拚把
銀河萬頃波灑作人閒朝雨色湘妃淚染湘江竹
鮫珠血凝鮫人哭却愁此淚今朝墮漸有霜威
撼羣木

七夕

銀床葉墜涼風入雲影綵綵露珠濕
姮娥不放冰輪光恐照鮫人海底泣
鸞驂鶴馭杳何許中庭瓜果空延佇
當時貸取十萬錢盼殺人間小兒女
一簾花影漾初秋此夕何人不倚樓
阿誰譜就回文句一慰蘇娘湘水頭

少年行

年少誰氏郎云是潁川子家聲舊接萬石君居處曾題別
德里秀靨承權瞳黠漆氣似朝霞耀春日夢中吸盡西江
水石上篆文看一一覺來把筆吟鳳凰老儒昨筆同輩藏
豈知一幅剡藤紙中有豐城雙劍光宮漏丁丁花影徐天
門談蕩人爭趨朝聞一士入虎觀暮聞一士登石渠有人
聞之笑且呼謂汝苦吟胡爲乎干霄彩筆言非誣玉堂豈
要山澤癯少年吃吃笑不止頭沒酒杯歌且起胸中涇渭
不同流萬事東風射馬耳去年買舟游吳越一江花影照
明月嚼月倒行酒腸熱醉泥吳娘索羅襪擊碎唾壺石俱

裂世上董龍竟何物今年驅車游洛陽
信陵君去天蒼茫侯嬴已死夷門荒
呼盧聊就博徒飲百萬一擲人驚狂
一日掉頭心了悟鼠肝蟲臂從指喻
案前換却離騷經一卷黃庭手自註
寸田尺宅勤護持金童姪女相朝暮
采芝行訪不死庭騎鯨撇波東海去

西湟曲

西湟水清見底烈女之心清似此捐軀明志捧綵綸
夫子讀之淚下不能止夫子本是多情入綺歲青雲早致身一
輪卿月連台曜萬里天山榮隰驕昔日采蘭賦馨膳南陔
樂事人爭羨侍兒婉麗稱親心名以靈芸字如願白髮尚

堂愛子情承歡大婦解卿卿錦瑟彈春諧側調高樓貯月
話三生玫瑰淺笑西窗下從此朝朝復夜夜聽曲閒情枕
畔題簪花艷影欹邊亞一朝夫子按伊涼小隊影纓出未
央離愁雖付陽關曲遠路仍聯甌脫裝遠路重逢情更重
離愁便可消春夢誰信星居磨蝎宮拚將身作辭巢鳳生
前石闕自含悲死後杯弓合解疑感郎恩重爲郎死挂羅
衣處傍羅幃初三下七嬉遊地魂歸忍見拋家髻禪心縱
便解觀空泡影誰能忘雪涕渾脫稱體壓豐貂遺畫終年
伴綺寮可憐夫子情深處盼取真真尙可招

賜緋曲

唐宮畫永春如海采戲三郎竟得采玲瓏骰子應呼成玉
奴此妬誰能解君不見詩才妙絕棄樓東詠罷珍珠句特
工賜緋不作還宮例三郎此樂荒傖同又不見家無擔石
呼百萬一擲誰人笑君誕淺緋何日上衣來且憑五木相
喧厯全舟秦越猶相倚我更因之有悟矣入局誰無孤注
投欲握休誇用梟理悠悠塵世莫居奇刻骨相思知不知
用唐句分曹若使交情舊詎有當場袖手時

緩歌行

洛陽公子長安賢性喜榮利多攀援覓州爭獻葡萄酒求
官輒詣鴻都門子雲筆札君卿舌輔以經術依名節貴戚

豪門盡折腰通侯上相爭相結東方一士如饑餓掉頭但
覺軒冕輕報讐殺客忽感悔苦心折節師儒生陰謀耻述
鬼谷子韜鈴要爲匡時起一朝烽火照甘泉天子鶴書下
九天弄兵旣戢潢池盜放馬不憂歐脫邊殊功異賚從恩
賜女樂二八鍾列肆洞房曲宴相追隨清歌妙舞人稱宜
詎謂富貴足奢樂要知志節無委蛇朱雲曾折五鹿角日
磬不赦擁項見始知真材爲世出傾身權要焉足師

東飛伯勞歌

翩翩鳳子尋花行游絲百尺啼嬌鶯誰家女兒住京國對
門題署臨江宅暗砌勾脂鏡錢罷奇擎小妹晴窗下勝常

道却纖腰迴車聲門外郎頻來淡施春光春晝長目成眉
語空斷腸

傳書青鳥等常見杏梁坐語紅衿燕兒家本住若耶溪浣
紗舊夢孌都迷花鈿寶鏡俄成粧評跋何人不斷腸倚闌
不肯閒春晝唾絨還壓絲絲繡蘭缸撥燼下羅幃憑郎憐
取可憐時

效昌谷

截藕不斷絲剉藥難調飴口銜石闕空復爾冤禽填海人
笑癡我我雲鬟春閨女彩鳳投梭碧鸞舞當機札札弄巧
絲絲斷錦天無主顰低黛暗夢中泣玫瑰抱露紅珠濕

明知相見不相親，欲訴幽懷聲已澀。
地老天荒無處所，君義重身相許忍痛分明一片心。
神鋒割去從交與，姮娥墮淚瑤妃笑。
小膽空煩秦鏡照，會栽黃竹徧滄海。
打箱看結同心絲。

擬李長吉北中寒

龍門桐陰荒歸昌，蟾蜍淚滴書帶僵。
不龜手失千金方，南雲黯淡長夜長。
夏蟲澀步冰蠶喜，郢歌誰喚春魂起。
老松蒼蒼卧澗底，茯苓根孕土花紫。

擬溫飛卿塞寒行寄鄧嶰雲時守榆林

黑山西接紅山北，延袤邊墻千七百朔。
風捲地作邊聲入。

元龜茲聽不得慘慘雲陰蔽大河冰結玻璃酒不波薑芽
不歛苦吟夜夢入銀屏點黛螺機中錦段相思字赫連城
畔更番寄凌寒誰識使君心禱雪還能吟玉戲

集李昌谷句題李蘭卿中翰薇垣歸娶圖

東方風來滿眼春方領蕙帶折角巾寶枕垂雲選春夢薇
帳逗烟生綠塵綵線結葺背腹疊烟底驚波乘一葉酒觥
綰帶新承懽白藤交穿織書笈新治垂金曳紫光花枝入
簾白日長鸞裙鳳帶行烟重紅壁闌珊懸佩璫臨歧擘劍
生銅吼願君處處宜春酒石筍溪雲肯寄書漏長送佩承

壬辰冬阮芸臺寄惠大理石鐙屏題曰秋山霜葉

已冬四明試院集東坡句寄謝滇南

天公水墨自奇絕
醉石可助平泉醒
妙想實與詩同出
要使珠壁棲窗櫺
醉翁詩話誰續說
到處遺踪尋六一
且與楊雄說奇字
笑指西湖作衣鉢

題黃石壘畫松集山谷

老松閱世卧雲壑
澹墨寫出無聲詩
平生端有活國計
去就死生心自知
天生大才竟何用
一聲望帝花片飛
骨氣乃有老松格
鑪熏一炷試觀之

城上烏

城上烏尾畢逋十年辛苦將其雛雛能飛烏長飢飢飛啞啞
無所棲霜風冽冽枝稍稀寄語城東挾彈兒勿傷此雛返
哺時

烏生八九子

烏生八九子將雛高樹間雛不能返哺烏力亦已殫碌碌
場寬竟畝農夫打稻畢餘粒此中有雛語老烏行可往取
太歲不在酉問漿亦得酒飢飛啞啞尾畢逋烏生八九子
可憐辛苦猶將雛

擬來日大難悼從兄嘉甫吉冠

來日大難地老天慳青山頭白海水飛塵顏回爲壽錢鏐

爲天瞬息千年如日昏曉焚枯酌醴親故相存鼓瑟吹笙
樂此朝暾不見之子顏如舜華委化倏去尙寐無咤朔風
吹面愁雲色變寂寂黃墟與世無戀千金之子坐不垂堂
愚公移山其志難量見丹邱子稽首拜手雲霞朝餐庚申
夜守趺凌紫烟金骨不朽

燕九日偕王子卿楊介坪李鹿苹常子千倪竹泉杏
見菴孔荃溪集鄧嶰筠此君軒聯句

丁卯正月月燕九子卿題襟約飲同年酒到門三客已登堂

子卿石士荃倚戶一編先落手構思示暇忽談嘲鹿苹問事

更端迭可否文心何處覓仙才石士佳節猶聞述耆耆城西

此日盛遊觀子觀前萬象雜老醜殘丐跛倚虱緣眉竹枯

僧兀坐髮垂首或携芒屨面削瓜見或擔鋤杖力拔柳飄

飄或亞風前巾夢荷荷或擁花邊帚每當車馬堵墻集詩

競說神仙此中有我思真訣豈易傳子聊借化身爲善誘

橘叟橘許巴人開評壺公壺引長房走異聞著錄世乃驚

奇踪混迹人多狃腐儒孰詔字換練石達官且樂印懸

肘兩情涉世黷自縛子五漸入門鐘莫扣此輩悠悠空見

聞竹仙乎渺渺知誰某卽遇茅君拜木公見甯贈冰桃分

雪藕吾儕嬾去還兒嬉夢希盤聊此樂親友藤梢出屋氣

遙實解日影上墻時過西漠漠雲陰風拂簾子沉沉夜酌

月窺牖詩成手競撚頰髭

介

人去城應下門牡

時子千白

浮座客酒卷波

虎

紅拈榴子花藏自長春真人向入筵

石

子墨客卿能酌斗闌風鶴馭容我攀

竹

行處麟脯許吾剖

從來文字有還丹

見

何啻庚申須夜守問道頻頻會友生

鍊骨要當脫塵垢拍肩沈沈比洪厓

解

尸祝卿雲是金

母當年授錄十八人

子

配享白雲千萬壽半其數各拈霜

毫

介

垂厥文甯覆轡韻辨雄辭巧鬪心兵

鹿

一中百罰擅

戰拇深清沖漠自參玄

石

豪氣淋漓非尙口酒闌角勝據

微枰

竹

敵強逐北獲逢丑

竹

泉負於石土荃溪

眼前蠻觸

置勿論

見

胸中梨棗裁原久王積薪耶鄧仲華

溪

仙答鄰叟

并序

和東坡詩三首

紀夢

索塗幸不撓，壇如服膺師。說治古書列，架何啻萬卷。餘神
遊入夢，惟太初精進，未能性緩舒。成仙且愧食字魚，仕宦
何樂聊。隨緣勸學，宜矯性所偏。暮景已過，無聞年十駕。鞅
絆宜急，纏東坡與我果孰賢。紀夢自勵，彼猶然我。其日課
書百篇。

遷居之夕聞鄰舍兒誦書欣然而作

時習有聖訓，視彼數飛禽。將雛結書巢，鳴鶴思和音。鄭風

戒佛達城闕譏子衿詎可釋業嬉不事伏案吟東坡鄰舍
兒誦書居嶺南姓字雖不著得詩傳至今汲古有所樂在
與見前參東坡憂患餘愛書情猶深爾曹各少壯書味宜
酌斟安居得靜室黃卷當素琴

聞子由瘦

宦遊非慕飛食肉循墻而走營饘粥婦孺豈知索米心古

識看圖笑指蝠

俗有畫蝙蝠以爲得福者

抱關擊柝嫌卑列擊鐘鼎食

正厭俗我今憶家如憶雲君倘守身如守玉先德當年旌
義門鄉鄰遺愛頌仁粟肯堂肯構彼何人誠可格魚孝駟
鹿仲兄需次行補官伯兄望子登令僕家雖中落法仍存

遺訓無忘比刻鵠

冬夜讀東坡半山詩用半山巫山高韻東坡元修菜
韻作三詩贈陳曉峯同年並送其旋江右

巫山高十二峯子雲相如不可作我生分無含景蒼龍精
安能誅茅結舍依神宮曉峯司馬冰雪容何幸童卯游其
中慈恩同宴欣相逢鳬飛符剖判宦轍吾鄉山水乃與西
川通奉檄北來來復重今者督運舟穩如房櫓判事朱墨
外填委暇輒萬卷携以從想當匡廬以北倚棹處鄉山一
髮遙辨青芙蓉憶昨剪燈共我語腰折底能鸛鶴舞十年
心倦聽官鼓我勸使君置此勿復校君不見出山雲可爲

霖雨

巫山高下覆萬古流滔滔吾鄉大孤小孤作砥柱形家謂

東江水日下之狂濤吏道亦如學劍術獠公詎可儕以獠

君家少還小伯有芳躅

陳立臨邛人陳湛成郡人見華陽國志

君盍繼之慶

所遭彼廟食者一神女祈禱猶能應靈雨鄭儻初訪衣冠

緒終致謳頌不自阻循良績可誠求取古人滿眼皆吾侶

君昔擿伏活民數惠政他年會有史臣珥筆語

君諱臨江新城兩案

輕重皆得當

初冬氣尚暖菜不誇冰葺差差鋪翡翠足傲鼎食豐其種

異安肅產自臺城中未知欲花時吳蟲同巢蟲座客有元

修行色何匆匆聊與慰鄉思豈足歌有錄今法屏縷橙亦
不芼薑蔥殆如治民術須使成見空憶昔居詞館偕詠綠

玉叢笑我韓孟體乃與皮陸融

辛酉冬煦齋師以詠瓢兒菜仿韓孟體爲館課楊葵

裳謂余詩乃似皮陸派

隙駒一何駛樽酒今暫同君顏喜尙少我愧

頭已童望君龔黃才運以雲夢胸擢守畱棠蔭勿遽移鄰

封我學不忘食但知韭與菘羊蹴偶入夢一笑心其蓬畱

君飯三白詎有琉璃鍾酒闌話江南我憶龍眠翁

余受業姬傳師

門時居金陵過半載

江亭宴集

駕車延緣出蘆葦我意竟似舟橫江烟波接天夢千頃沙

鳥衝人時一雙誰
顰葛到孤嶼乍可浮蟻傾銀缸秋山
迴碧獻林杪遂有螺髻排軒窗

君山山色連洞庭蠡湖水涵宮亭登高恰喜勝流接銜

杯各話家山青

張君湖南人

精藍寂寂罷僧課白榆歷歷搖秋

星誰能夜飲畱城鑰漁歌還夢空江舲